

Leikskólinn Birkilundur



Ársáætlun
Veturinn 2023-2024

Efni bæklingisins

Velkomin í Birkilund	2
Starfsfólk	2
Viðtalstímar deildarstjóra:	3
Markmið Birkilundar er	4
Skólastarfið	4
Starfið á deildunum	6
Reyniland	7
Kvistaland	8
Könglaland	9
Opið milli deilda og ferðir milli húsa	10
Viðfangsefni í hópatímum	10
Vettvangsferðir í rútu	11
Samstarf leik- og grunnskóla	11
Stoðþjónusta	12
Foreldrafundir og foreldraviðtöl	12
Skipulags- og námskeiðsdagar - leikskólinn lokaður	13

Velkomin í Birkilund

Opnunartími 7:45-16:15

sími 4538215

sími á Reynilandi 5718215

netfang: birkilundur@skagafjordur.is

heimasíða: <https://birkilundur.karellen.is>

netfang á Könglalandi: konglaland@skolar.skagafjordur.is

netfang á Kvistalandi: kvistaland@skolar.skagafjordur.is

netfang á Reynilandi: reyniland@skolar.skagafjordur.is

Starfsfólk

Steinunn Arnljótsdóttir er leikskólastjóri í 100% stöðu. Er að jafnaði á Reynilandi á mánud. og miðvikud. kl 8:15-9:00.

Sigurbjörg Eva Egilsdóttir deildarstjóri á Könglalandi vinnur alla daga í 100% starfshlutfalli. Hún er staðgengill leikskólastjóra.

Linda Björnsdóttir leikskólakennari á Könglalandi vinnur 4 daga í viku í 70% stöðu.

Fanney Friðriksdóttir leikskólaliði á Könglalandi vinnur 4 daga í viku í 79,3% stöðu. Hún sinnir stuðningskennslu.

Anna Halla Emilsdóttir leikskólakennari á Könglalandi vinnur alla daga vikunnar í 100% stöðu.

Sigríður M. Helgadóttir deildarstjóri á Kvistalandi vinnur alla daga í 100% stöðu.

Ingibjörg Skarphéðinsdóttir leikskólaliði á Kvistalandi vinnur 3 daga í viku í 68% stöðu. Hún sinnir stuðningskennslu.

Jóhanna Sigurðardóttir leikskólaliði á Kvistalandi vinnur 4 daga í viku í 79,6% stöðu.

Sigríður Halldóra Sveinsdóttir leikskólakennari á Kvistalandi vinnur 4 daga í viku í 75% stöðu.

Bogdís Hermannsdóttir leikskólaliði á Kvistalandi vinnur alla daga í 90% stöðu.

Linnéa Sofi Leffler er í 50% stöðu, einn dag í viku á Kvistalandi og þrjá á Reynilandi.

Guðbjörg Sigfúsdóttir deildarstjóri á Reynilandi vinnur alla daga í 94,8% stöðu.

Eva Dögg Sigurðardóttir vinnur á Reynilandi 4 daga í viku í 81,2% stöðu.

Guðrún Ólafsdóttir leikskólaliði á Reynilandi vinnur 4 daga í viku í 82,1% stöðu..

Hanna Björg Hauksdóttir leikskólaliði vinnur á Reynilandi 4 daga í viku í 81,9% stöðu.

Kristín Rós Unnsteinsdóttir vinnur á Reynilandi alla daga í 100% stöðu.

Selma Guðjónsdóttir leikskólaliði á Reynilandi vinnur 4 daga í viku í 94,2% stöðu.

Lilja Margrét Snorradóttir matráður í 71,7% stöðu.

Hreinsson slf sér um ræstingu samkvæmt verktakasamningi.

Efemía Fanney Valgeirsdóttir, Guðrún Björk Baldursdóttir leikskólaliði og **Ragnheiður Lára Brynjólfsdóttir** leikskólakennari koma í afleysingar í forföllum.

Kristín Halla Bergsdóttir, tónlistarkennari, er með tónlistarstundir á mánudögum frá miðjum september til páska.

Viðtalstímar deildarstjóra:

Guðbjörg mánudagur kl 13:00-14:00

Sigríður föstudagur kl 12:00-13:00

Sigurbjörg miðvikudagur kl 11:00-12:00

Markmið Birkilundar er

- Að veita börnunum tækifæri til þess að læra og þroskast í gegn um leik.
- Að efla félagslega færni barna.
- Að stuðla að andlegu og líkamlegu heilbrigði barna.
- Að efla málproska barna.
- Að styrkja sjálfsmynd og efla sjálfstæði barna.
- Að kenna börnum að virða náttúruna og njóta hennar.

Til þess að ná þessum markmiðum er á hverjum degi gefinn góður tími fyrir sjálfsprottinn leik, boðið er upp á fjölbreyttan efnivið til að vinna með, unnið er með sérstök viðfangsefni í minni hópum og nýtt eru verkfæri eins og SMT, Stig af stigi, Leikur að læra, Tákn með tali, Læsi í leikskóla og könnunarleikur (sjá Upplýsingarit).

Skólastarfið

Skóladaगतal, þar sem fram kemur hvaða daga leikskólinn er lokaður, hvenær starfsmannafundir eru haldnir og ýmsir viðburðir í skólastarfinu, má finna á

<https://birkilundur.karellen.is/198-birkilundur.karellen.is/leikskoladagatal-2023-2024,%20tillaga%202.pdf>

Gert er ráð fyrir að foreldrum verði boðið í kaffi þrisvar yfir skólaárið. Einnig gerum við ráð fyrir að fjölskyldum barnanna verði boðið á jólaball leikskólans.

Á öskudaginn verður grímuball, köttur sleginn úr tunnum og boðið upp á snakk og popp. Í byrjun júní höfum við

Reykjarhólsdag. Þá er gengið á Reykjarhólinn. Aðrar ferðir og viðburðir eru kynnt þegar að þeim kemur.

Dagskipulagið mótar ramma um starfið. Það er mismunandi eftir deildum þar sem þarfirnar eru breytilegar eftir aldri barnanna.

Dagskipulag á Könglalandi

07:45 leikskólinn opnar á Kvistalandi	11:45 hádegismatur
08:00 leikur á deild	12:20 hvíld/róleg stund
08:15 leikur/morgunmatur	13:00 útivera
09:15 leikur/hópastarf	14:45 síðdegisdrykkur
10:00 ávaxtatími	15:20 frjáls leikur
10:15 leikur/hópastarf	16:10 deildir sameinast á Könglalandi
11:15 söngur/samverustund	16:15 leikskólinn lokar

Dagskipulag á Kvistalandi

07:45 leikskólinn opnar á Kvistalandi, leikur	11:45 hádegismatur
08:10-15 morgunm./leikur	12:10 hvíld/róleg stund
09:10 hópastarf	13:00 útivera/ leikur
10:00 samverustund/ávaxtatími	14:45 síðdegisdrykkur
10:15 útivera/leikur	15:00 leikur inni/úti
11:25 samvera/söngur	16:10 deildir sameinast á Könglalandi
	16:15 leikskólinn lokar

Dagskipulag á Reynilandi

07:45 Leikskólinn opnar, leikur	11:15 Handþvottur, bleyju- skipti, samverustund
08:10 Morgunmatur	11:30 Hádegismatur
09:00 Hópastarf/tónlist /íþróttahús	11:50 Hvíld
09:50 Samverustund, ávaxtatími, bleyjuskripti	13:30 Leikur
10:10 Útivist	14:45 Síðdegisdrykkur
	15:10 Leikur/útivist, bleyjuskripti
	16:15 Leikskólinn lokar

Starfið á deildunum

Kennarar leggja mikla áherslu á leikinn og gefa góðan tíma fyrir hann á hverjum degi enda er hann megin námsleið barna. Í leik eflir barnið alhliða þroska sinn, en þar er m.a. um að ræða líkamsþroska, hreyfi-, tilfinninga-, vitsmuna-, mál- og siðgæðisþroska, félags og siðgæðisvitund. Leikurinn er börnunum eðlislægur og þau leika sér á sínum eigin forsendum. Í Aðalnámskrá leikskóla stendur á bls 37: „Í leik geta börn unnið með og gert tilraunir með hugmyndir sínar og öðlast nýjan skilning og nýja þekkingu. Í leik skapast vettvangur þar sem spurningar vakna og börn leysa vandamál, sem upp koma, á eigin forsendum. Í leik eflast vitrænir og skapandi þættir. Leikurinn kallar á fjölbreytta notkun tungumálsins, hreyfingu, félagsleg samskipti og tilfinngatengsl. Leikur getur virkjað sköpunarkraft barna og löngun þeirra til að læra og afla sér þekkingar.“

Útivera er hluti af daglega starfinu, hreyfing og útivera eru samtengdir þættir.

Börnin vinna fjölbreytt verkefni sem byggja á starfsaðferðum og hugmyndafræði leikskóla. Markmiðið með þessum verkefnum er að stuðla að sjálfstæði og sjálfspekkingu barnanna og efla með þeim vináttu og samkennd.

Í Upplýsingariti leikskólans Birkilundar eru útskýrð ýmis verk- og námsefni sem unnið er með í leikskólanum og vísað er til í eftirfarandi umfjöllun um starfið á deildunum. Leikur að læra kennsluáðferðin er notuð í starfi á deildum, tónlist, íþróttahúsi og útikennslu.

Reyniland

Á Reynilandi eru nú 16 börn, frá eins til tveggja ára, 10 drengir og 6 stúlkur. 13 börn eru fædd árið 2021 og 3 börn eru fædd árið 2022.

Hópastarf er þrjá daga í viku: þriðjudag, miðvikudag og fimmtudag, kl 9:00-9:50. Hóparnir eru Ljónahópur, Kanínuhópur og Kisuhópur. Í hópastarfi er farið í könnunarleik, málörvun, unnið að myndsköpun, félagsfærni, útikennslu, leikið í frjálsum leik og unnið að ýmsum öðrum verkefnum.

Tónlistarstund er annan hvern mánudag kl 9:15 fyrir öll börnin á deildinni. Á móti tónlistarstundunum, annan hvern mánudag kl 9:00 fara börnin gangandi upp í íþróttahús og hitta þar börn og kennara af Kvistalandi. Þessar ferðir miðast við veður og færð.

Á föstudögum er lögð áhersla á frjálsan leik, útiveru og gönguferðir.

Alla daga er lögð áhersla á að hafa góðan tíma fyrir leik og að örva málproska og æfa sjálfshjálp í leik og starfi. Í samverustundum er sungið, lesið og spjallað. Farið er yfir tákn vikunnar, staf vikunnar og orð honum tengd og börnin æfð í að þekkja litina.

Á föstudögum eru settar inn á facebook síðu deildarinnar upplýsingar og myndir um starf vikunnar. Reglulega eru settar inn myndir í möppur barnanna í Karellen.

Kvistaland

Á Kvistalandi eru 12 börn, 8 stúlkur og 4 drengir, öll fædd 2020. Hópasstarf er 4 morgna í viku. Við skiptum barnahópnum í 3 hópa, 4 börn í hóp. Þar sem börnin eru öll í sama árgangi höfum við ákveðið að hópaskipanin verði fljótandi, það er að segja að ekki eru alltaf sömu 4 börnin saman í hóp. Í hópastarfi er unnið með staf og tákn vikunnar, málörvun, stærðfræði, myndsköpun, tónlist, félagsfærni og íþróttir. Á mánudögum er til skiptis tónlistarstund og íþróttahúsferð. Í íþróttahúsinu eru þar á sama tíma öll börnin af Reynilandi ásamt kennurum. Annan hvern föstudag er opið milli deilda þ.e. Kvistalands og Könglalands, þar sem leikurinn er allsráðandi, hinn föstudaginn förum við í vettangsferðir td. í skóginn, heimsókn á Reyniland og fl.

Könglaland

Á Könglalandi eru elstu börn leikskólans. Á deildinni eru 16 börn, 11 drengir og 5 stúlkur. 10 börn eru í árgangi 2018 og 6 börn í árgangi 2019.

Hóparnir heita Regnbogahópur, börn fædd 2018 og Einhyrningahópur, börn fædd 2019.

Á Könglalandi er hópastarf alla daga nema föstudaga og fer alltaf fram fyrir hádegi. Í hópastarfi er unnið með staf vikunnar, málörvun, stærðfræði, myndsköpun, tónlist, félagsfærni og íþróttir. Eftir hádegismat fara börnin í smá slökun þar sem allir fá hvíld. Eftir það einbeitum við okkur að útiveru og frjálsum leik.

Hóparnir eru saman í tónlist annan hvern mánudag frá 9:15 og fara síðan hinn mánudaginn í íþróttahúsið. Regnbogahópur tekur þátt í Gaman saman verkefninu og fer í samstarf með 1. bekk í Varmahlíðarskóla á fimmtudögum kl. 9:00-11:30 (sjá kafla um samstarf leik- og grunnskóla bls 11).

Á föstudögum er farið til skiptis í gönguferðir og haft opið á milli deilda.

Á hverju hausti er Hljóm 2 lagt fyrir elstu börn leikskólans (sjá bls. 20 í Lestrarstefnu Skagafjarðar; https://www.skagafjordur.is/static/files/pdf-files/lestrarstefna_baeklingur_i-prentun.pdf).

Starfinu hjá elsta árgangi leikskólans lýkur formlega með útskrift í maí.

Opið milli deilda og ferðir milli húsa

Annan hvern föstudag fyrir hádegi er opið á milli Könglalands og Kvistalands. Börnin geta farið á milli deilda og valið sér þau viðfangsefni sem eru í boði.

Til að auka tengsl milli húsa fara börnin reglulega á milli og hittast í útivist, ýmist á Reynilandi eða í Birkilundi.

Viðfangsefni í hópatímum

- Myndsköpun, þar sem markmiðið er að barnið fái útrás fyrir sköpunarþörf sína, þroski með sér einbeitingu og efli samhæfingu handa og augna. Barnið endurspeglar oft í myndverkum sínum þá reynslu sem það hefur upplifað, þær tilfinningar sem bærast með því og það sem því er hugleikið. Það er t.d. vatnslitað, málað, teiknað, límt, rífið og klippt.
- Tónlist, þar sem markmiðið er að barnið þroski með sér næmi fyrir hljóðum, hreyfingu og hrynjanda í gegnum söng, hlustun (tónverk, hljóðaspil, ofl), hreyfingu (dans ofl.), hljóðgjafa og hljóðfæri. Börnin fá að kynna ýmsum hliðum tónlistar undir leiðsögn tónlistarkennara.
- Málörvun, þar sem markmiðið er að efla markvisst hljóðkerfisvitund barnanna og búa þau þannig undir lestrarnám. Notuð eru verkefni og leikir úr bókunum: Markviss málörvun, Leggðu við hlustir, Ljáðu mér eyra og Tölum saman. Unnið er með staf vikunnar, þulur, rím, klappa atkvæði, spil, leiki, lestur og ritun.
- Hreyfing, þar sem markmiðið er að barnið fái útrás fyrir hreyfiþörf sína og að auka/efla líkamlegt úthald. Til þess

notum við leiki, Leikur að læra, íþróttahús, nánasta umhverfi og gönguferðir.

- Félagssfærni, þar sem markmiðið er að börnin þjálfist í að vinna saman og sýna öðrum tillitssemi og umburðarlyndi og læri setja sig í spor annarra. Unnið er með félagssfærni í gegnum margs konar leiki en einnig Stig af stigi í 2 elstu árgöngunum.
- Útikennsla, þar sem markmiðið er að barnið fái tækifæri til að njóta náttúrunnar og læri að bera virðingu fyrir umhverfinu. Nánasta umhverfi skólans er nýtt, meðal annars svæði í skóginum þar sem sett hafa verið upp net, kaðlar og greinakofi til að leika sér í.

Vettvangsferðir í rútu

Ef farið verður í rútuferðir verður eingögnu nýttur sá öryggisbúnaður sem fyrir er í bifreiðinni. Ekki verður farið með yngri börn en þriggja ára.

Samstarf leik- og grunnskóla

Frá árinu 2007 hafa Birkilundur og Varmahlíðarskóli verið í samstarfsverkefninu: *Gaman saman* (sjá. Upplýsingarit Birkilundar, útg. 2018, bls. 9). Hefur það stuðlað að auknum samskiptum nemenda og kennara þessara skóla. Til viðbótar við það sem fram kemur í Upplýsingaritinu þá eru fyrsti bekkur Varmahlíðarskóla og elsti árgangur Birkilundar saman í kennslustundum á fimmtudögum kl 9:15-10:30 í sameiginlegri umsjá kennara Birkilundar og Varmahlíðarskóla. Viðfangsefni

Þessara kennslustunda eru af ýmsum toga. Þau eru ýmist unnin í Varmahlíðarskóla, Birkilundi eða utan dyra.

Að loknum þessum kennslustundum eru frímínútur og síðan er hópurinn saman í íþróttum kl 10:50-11:30 hjá íþóttakennara Varmahlíðarskóla og kennara úr Birkilundi.

Markmið þessara kennslustunda er að auka samfellu í námi barnanna, gefa hópnum tækifæri til þess að halda tengslum þrátt fyrir að þau séu á sitt hvoru skólastiginu og gefa kennurum tækifæri til að miðla þekkingu og reynslu sín á milli.

Stoðþjónusta

Málefni leikskóla heyra undir Fjölskylduþjónustu Skagafjarðar og fræðslunefnd. Fræðslustjóri hefur yfirumsjón og eftirlit með faglegu starfi og rekstri leikskóla. Leikskólarnir hafa aðgang að sérfræðiþjónustu frá fræðsluskrifstofu s.s. uppeldis- og fjölskylduráðgjafa, talmeinafræðingi og sálfræðingi.

Ef leikskólinn getur ekki leyst úr þeim frávikum sem upp koma varðandi börnin þá fer í gang ferli þar sem máli barns er vísað til sérfræðiþjónustu fjölskyldusviðs. Send er inn beiðni með undirskrift foreldra og deildarstjóra/leikskólustjóra.

Starfsmenn geta sótt stuðning til fræðslustjóra sem er tengiliður bæði leik- og grunnskóla.

Foreldrafundir og foreldraviðtöl

Almennur foreldrafundur verður haldinn 11. október. Rakel Kemp uppeldis- og fjölskylduráðgjafi fjallar um

uppeldishlutverkið og samskipti foreldra og barna. Önnur málefni leikskólans verða rædd eftir því sem tækifæri gefst. Foreldraviðtöl, þar sem deildarstjóri eða kennari barnsins fer yfir stöðu barnsins með foreldrum, verða í janúar til mars. Foreldrar geta fengið viðtal á öðrum tíma ef þeir óska þess.

Skipulags- og námskeiðsdagar - leikskólinn lokaður

Þriðjudagur 15. ágúst	Fræðsludagur
Föstudagur 1. september	Haustþingsdagur
Miðvikudagur 18. október	Starfsdagur
Fimmtudagur 19. október	Starfsdagur
Föstudagur 20. október	Starfsdagur
Þriðjudagur 2. janúar	Lokað vegna starfsmannafunda
Miðvikudagur 27. mars	Lokað vegna starfsmannafunda